

Akilararusiinernik Aalajangiisartut aalajangiinerat

Kinaassutsimik uppersaaneq:	2024-22300
Aalajangiisoqarpoq:	19-03-2025
Aalajangiinerup tamanut saqqummiunneqarnera:	20. Oktober 2025
Ukioq aningaasarsiorfiusoq:	2022
Qulequtaq:	Akilaraarutit
Sammissami oqaatsit atorineqartut:	Imaani angalatilluni nerisaqartitsineq

Eqikkaaneq

Naammagittaalliiummi imaani angalatilluni nerisaqartitsisarnermut ilanngaatt pineqarpoq.

Naammagittaalliuteqartoq ukiumi aningaasarsiorfiusumi 2022-mi imarsiornermini nerisanut 30.030 kr.-nik aningaasartuuteqarsimavoq, ilanngaateqartikkusutaminik.. Akilaraartarnermut Aqutsisoqarfiup nerisaqarnermut ilanngaattissatut taamaallaat 11.550 kr.-t akuersissutigisimavai. Nerisaqarnermut aningaasartuutit akeqanngitsumillu nerisaqarnerup nalingisa akornanni nikingassutaasoq ilanngaattissatut naatsorsorneqarsimavoq.

Akilararusiinernik Aalajangiisartut Akilaraartarnermut Aqutsisoqarfiup aalajangiussaa attatiinnarpaat. Nerisaqarnermut aningaasartuutit tunngaviatigut inuttut nammineq akilernerqartussaapput, ilanngaattigineqarsinnaattitaanatik, imarsiornermili nerisaqarnermut aningaasartuuteqarnerunermut ilanngaateqarsinnaaneq akuerineqarluni. Aningaasartuutaanerusut ilanngaaffigineqarsinnaasut aningaasatut aningaasartuuterpianik akilernerqartunik akeqanngitsumik nerisaqartitsinerup nalinganik qaangiisutut naatsorsorneqassapput.

Ukioq aningaasarsiorfiusoq 2025 aallarnerfigalugu imarsiornermi nerisaqarnermut aningaasartuuteqarnerunerit ilanngaateqarsinnaanerit atorunnaassaaq.

Suliassami pissusiviusut

Naammagittaalliuteqartoq ukiumi aningaasarsiorfiusumi 2022-mi kilisaammili sulinermitigut aningaasarsiorsimavoq. Naammagittaalliuteqartup sulisitsisuata nalunaarutigisimavaa, naammagittaalliuteqartoq ulluni 231-ni imarsiorsimasoq, imarsiornerminilu nerisaqarnerminut 30.030 kr.-nik akiliuteqarsimasoq.

Naammagittaalliuteqartup imarsiornermini nerisaqarnerminut akiliutigisimasani ilanngaateqartussatut nammineerluni nalunaarsorsimavaa.

Akilaraartarnermut Aqutsisoqarfimmit imarsiornermi nerisaqarnermut ilanngaattissaq 11.550 kr.-nut annikillisinneqarsimavoq. Tamatumunnga tunngavilersuutigineqarpoq, Naalakkersuisut akeqanngitsumik nerisaqarnermut nalingitassatut aalajangiussaatt sinnerlugu akiliutigineqartoq kisimi ilanngaattigineqarsinnaasoq. Akeqanngitsumik nerisaqarnerup nalinga ullormut 80 kr.-ussasoq 2022-mi aalajangiunneqarpoq.

Naammagittaalliuteqartup paasinninnera

Naammagittaalliuteqartup paasinninnera malillugu, ukiumi aningaasarsiorfiusumi 2022-mi imarsiornermini nerisaqarnermut akiliutigisimasani 30.030 kr.-t ilanngaatineqartussaapput, taakkuummata nerisaqarnerminut sulisitsisuminut akiliutigisimasani.

Inatsisitigut malittarisassanut inatsisillu tunngavigalugit sulinermut innersuussinerit

Aningaasarsiat pissarsiarineqartut aningaasartuuteqarfiginerannut ilanngaateqartoqarpoq, takuuk Aningaasarsianit akileraarutit pillugit Inatsisartut inatsisaanni, kingusinnerusukkut allannguuteqartumi nr. 12, 2. november 2006-imeersumi § 24, imm. 1 (Aningaasarsianit akileraarutit pillugit inatsit).

§ 24. Aningaasarsiat akileraaruteqaataasussat naatsorsorneranni ilanngaatineqarsinnaapput:
1) Ingerlatsinerimi aningaasartuutit, tassa imaappoq aningaasarsiat piniarnerannut, isumannaarnissaannut allanngutsaaliorniarnannullu ukiup ingerlanerani atorneqarsimasut, taakkununga ilanngullugit akileraartarnermi nalikilliliinerit. Akileraartarnermi nalikilliliinernut maleruagassiat aammalu pigisat nalikillilernerqarsinnaasut allamut tunineranni il.il. iluanaarutit annaasaqaatilluunniit akileraartarnermut tunngasumik suliarineranni maleruagassat Naalakkersuisut aalajangissavaat,
.....

Piumasaqaataavoq, sulinerup malitsigisaanik aningaasartuuteqartariaqalersimaneq.

Aningaasartuutitut nammineq inuttut nalinginnaasumik aningaasartuutigineqartutut isigineqartunut, soorlu atisanut nerisassanullu aningaasartuutitut ilanngaateqartoqarneq ajorpoq. Sulinerup atatillugu immikkut sullisissanut imaluunniit nerisaqarnermut immikkut aningaasartuuteqarsimagaanni, immikkut aningaasartuutigineqartut - aningaasartuuteqarnerunerit - sulinerup malitsigisaanik pisariaqalersimasunik, immikkut aningaasartuutigisat ilanngaaserneqarsinnaapput.

Nammineerluni nalunaarsuinerup immersugassami akileraarusiinerimi ilanngaateqartoq ataanniittoq felt 64 imarsiornermi nerisaqarnermut ilanngaammut tunngassuteqarpoq.

Nammineerluni nalunaarsuinissamut ilitsersuummi felt 64 imatut oqaasertaqarpoq

Tassani imaani nerisaqarnermut aningaasartuutaanerusut 2022-mi nammineerlutit akilersimasatit erseqqissaatigissavatit.

Nerisaqarnermut aningaasartuutaanerusut:

Illumut matumani aningaasartuutaanerusut pineqarnerisut nalilersuiffiginissaanni ullormut aningaasartuutaasartoq akilernerqartoq uppersarsarneqartoq "akeqanngitsumik nerisaqartitsinerup nalinganut" assersuullugu tunngavittut atorneqartussaassaaq, taamaammallu aningaasat / akiliutigineqartoq ullormut "akeqanngitsumik nerisaqartitsinerup" naleritinneqartumut Naalakkersuisut aalajangersagaannut qaangiisumut ilanngaateqartitsisoqarsinnaassaaq

Akeqanngitsumik nerisaqarnerup ajunngitsorsiassallu allat nalingi siusinnerusukkut ukiumoortumik ilitsorsuusiornikkut nalunaarutigineqartarput, ukiorli aningaasarsiorfiusoq 2022 aallarnerfigalugu ilaatigut akeqanngitsumik nerisaqarnerup nalinga Aningaasarsianit akileraarutit pillugit Inatsisartut inatsisaanni § 19 a, imm. 6 naapertorlugu ullormut 80 kr.-nik naleqalersinneqarpoq.

§ 19 a. Ajunngitsorsiassat imm. 2-8-mi taaneqartut, § 75, imm. 1-imi taaneqartutut A-nik isertitaqartunut atugassiissutigineqartut, nalingi imm. 2-8-mi allasimasutut aalajangersarneqassapput, taamaattoq takuuk imm. 9. Taamaaqataa ajunngitsorsiassanut inunnu siulersuisunut, ataatsimiititalianut, isumaliogatigiissitanut, siunnersuisooqatigiinnut, aalajangiisartunut imaluunniit allanut ataatsimoorlutik oqartussanut, ilanngullugit

Naalakkersuisut, Inatsisartut aamma kommunalbestyrelsit, ilaasortatut imaluunniit ikiortaasussatut toqqagaasunut atugassiissutigineqartunut, kiisalu pissutsit allatigut immikkoortumi tassani ilaatinneqanngippata, § 86, imm. 3-mi taaneqartutut amerlanerussuteqartunik aktiaatilinnut, ajunngitsorsiassanik ingerlatseqatigiiffimmit pineqartup amerlanerussuteqartunik aktiaateqarfigisaanik atugassiissutigineqartunut, atuuppoq.

.....

Imm. 6. Akeqanngitsumik nerisaqartitaanerup nalinga tamakkiisumik nerisaqarnermut ullormut 80 koruunimut, ilaannakortumik ullormut marloriarluni nerilluni nerisaqarnermut ullormut 59 koruunimut, aammalu ataasiarluni nerilluni nerisaqarnermut ullormut 45 koruunimut aalajangersarneqarpoq (2022-mi inissisimaneq), taamaattoq takuuk imm. 9.

....

Imm. 9. Ajunngitsorsiassat killilersugaanngitsumik niuernermi nalinga nalinginit aalajangersarneqartunit 20 procentimit appasinnerusooq uppersarneqarpat, pisuni imm. 2-8-mi taaneqartuni nalingisa appartinnissaat suliani ataasiakkaani akileraartussaataasup imaluunniit unerartissussaataasup piumasaqarneratigut akileraartarnermut ingerlatsiviup akuerisinnaavaa. Ajunngitsorsiassat pineqartut nalingi, nalinginit aalajangersarneqartunit 20 procentimit qaffasinneruppata, pisuni imm. 2-6-mi taaneqartuni nalingi suliani ataasiakkaani akileraartarnermut ingerlatsiviup qaffassinnaava.

Ukioq aningaasarsiorfiusoq 2025 aallarnerfigalugu imarsiorluni nerisaqarnermut

aningaasartuuteqarnerumerot ilanngaateqarunnaartinneqarput, tak. Aningaasarsianit akileraarutit

pillugit Inatsisartut inatsisaanni § 25, Inatsisartut inatsisaatigut nr. 51, 25. november 2024-meersutigut oqaasertalerneqartoq.

§ 25. Aningaasarsiat akileraarteqaataasussat naatsorsorneqarneranni § 24, imm. 1 apeqqutaatinngu, nerisaqarnermut aningaasartuutaanerisut, aningaasarsiaqartup imaluunniit namminersorluni inuussutissarsiummik ingerlatsisup aalisariummi imaluunniit umiarsuarmi sulinini pissutigalugu aningaasartuutigisimasinnaasai, ilanngaatigineqartussaangillat.

Akileraarusiinermik Aalajangiisartut naliliineri tunngavilersuutaalu

Nerisaqarnermut aningaasartuutit tunngaviatigut inuttut nammineq akilernerneqartussaapput,

ilanngaatigineqarsinnaatitaanatik, imarsiornermili nerisaqarnermut aningaasartuuteqarnerunermut ilanngaateqarsinnaaneq akuerineqarluni.

Aningaasartuutaanerisut ilanngaaffigineqarsinnaasut aningaasatut aningaasartuuterpianik akilernerneqartunik akeqanngitsumik nerisaqartitsinerup nalinganik qaangiisutut naatsorsorneqassapput. Akileraartarnermut Aqutsisoqarfimmit akeqanngitsumik nerisaqarnerup nalinga ullullu imarsiornermi amerlassusaat tunngavigalugit naatsorsuisoqarsimavoq, aningaasartuutigineqarsimasullu aamma akeqanngitsumik nerisaqarnerup nalingata akornanni nikingassut (aningaasartuutaanerisut) ilanngaaserneqarsinnaanerit akuerisimallugu.

Naammagittaalliuteqartoq ulluni 231-ni imarsiornermini nerisaminut 30.030 kr.-nik akiliuteqarsimavoq. Ullormut akeqanngitsumik nerisaqarnerup nalinga: $80 \text{ kr.} \times \text{ullut } 231\text{-t (ilanngaatigineqassapput)} = -18.480 \text{ kr.}$ Imarsiornermi nerissaqarnermi aningaasartuutaanerisunut ilanngaati 11.550 kr. Akileraartarnermut Aqutsisoqarfiup aningaasartuutinit ilanngaatigineqartussaasunut 11.550 kr.-nik naatsorsuisimanera inatsimmut naapertuuppoq, tassa akeqanngitsumik nerisaqarsimanerup nalinganut naapertuuttumik ilanngaasiisoqarsinnaanngimmat.

Akileraartarnermik aalajangiisartut aalajangiinerat

Akileraartarnermut Aqutsisoqarfiup imaani nerisaqartitsinermut aningaasartuutitut ilanngaammik appaanera aalajangiusimaneqarpoq.

Taamaalilluni AK naammagittaalliutaa Akileraarusiisarnernik Aalajangiisartunut naammagittaalliutaa ilalernerqanngilaq.

Inatsisitigut tunngavigisat: Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi kingusinnerusukkut allannguuteqartumi § 24 imm. 1 nr. 1.